





重修廣靈縣誌序

余承乏廣靈甫下車即取  
縣乘閱之疑其於

本朝之良法善政缺焉弗詳節  
婦孝子寡寥無幾及考其  
成書之期乃知出自前令

李公之手已週甲子矣時  
即欲續纂之未遑也今蒞  
任七載簿書之暇已多所  
採訪又值

聖明御宇文教覃敷通典通志  
無弗修輯靈雖邊邑數十

年來政事之沿革士民之  
懿行豈庸久而失傳爰於  
紳士中延其宏博端方才  
堪任事者共勦厥事或稽  
諸案牘或傳之父老或採  
之野史務使寔而有據俾

人心允服寧疑以傳疑不  
敢訛以傳訛也至其地方  
之利弊商賈之疾苦予力  
所未能遽為興除恐流為  
他年之遺患者必預書  
於冊以俟後之君子若夫

統論誌書之由來以及誌  
書宜修輯不宜殘缺一切  
議論前賢言之詳矣邑誌

舊序俱在余亦不多贅云

乾隆十九年歲次甲戌仲秋  
賜進士出身知廣靈縣事  
中州

刻石書於署之茂榆堂



續修廣靈邑誌序

嘗聞莫爲之前雖美弗彰莫爲之後雖盛弗傳前作  
後述古聖賢相須而有成者歷代皆然矧國之史邑  
之誌事關通典爲民風政治之所維係顧可任其久  
弛而不續修也哉廣靈邑誌始修於李公煥斗之手  
其山川疆域風土文物以及節婦義士孝子順孫罔  
不備載但歷年久遠歲已週甲無復起而纂繼之者  
適邑侯 郭公臨蒞茲土政通人和百廢俱興簿書  
之暇慨然以續修爲已任爰是殘缺者補之失次者  
序之損益協中斟酌盡善煥然成一邑之偉觀是誌

也經始於李公續纂於郭公凡延陵前數百年政  
治之沿革士民之懿行不允賴二公以垂不朽哉

大同府廣靈縣儒學掌印訓導周天申謹題

縣境全圖

界寧西至北東

東至蔚州界

界昌廣至南東



西至潭源界

河乾桑




西至潭源界

溝馮家


縣城圖

北




南


關



關

學宮圖







廣靈縣誌

凡例

一星野誌天文門一遵舊誌不敢妄議其舊誌星圖偶有舛錯韓子廷魁精於天文酌爲改正災祥門明嘉靖以前無可考稽不敢增入

一舊誌內事介疑似者不敢議改議刪恐後人見聞未必如前人也惟附會舛錯人人共見者酌行刪改

一人物誌內惟事業人品照耀千古真堪不朽者方爲立傳次則於本人名下附立小傳以俟將來示慎重之意也

一舊誌每卷前有小引後加論曰忽用李公語氣忽用紳士語氣幾無以辨今妄爲刪訂

一誌乘之設無取誇多而鬪靡故藝文內無關政治無關風化者舊文間有刪削

一舊誌凡誥命之詞皆載緣廣邑登仕籍者少故載之以備一覽他邑誌內無是今亦止載封贈者之姓名而不載其詞廣邑風會日盛恐傳之又久載不勝載也

一營建誌內止立縣圖城圖文廟圖以餘皆改移無定也

一同事之人雖有嘉言善行經上憲嘉獎者亦不採人遠嫌也

一男夫一行足取婦女節行足嘉尚未合例者並紀於後與人爲善之意也

廣靈縣修誌姓名

纂修

知

縣

郭

磊

玉璞

檢閱

訓

導

周天申

憲卿

協辦

生

員杜暉

子東

增

廣

生

員李元凱

若杜

增

廣

生

員杜晷

子彥

生

員白百齡

先五

採訪

候

選

教

諭韓廷魁

敏正

生

員韓士傑

掌圓

候

選

訓

導薛撝謙

子恭

候

選

訓

導譚民聽

政行

廩

膳

生

員仝懋官

樹德

廩

膳

生

員劉輝

映川

廩

膳

生

員王蓋臣

篤斐

生

員白維翰

殿邦

校對

生

員孫尚元 長善

增

廣

生

員王國瓚 玉藻

廩

膳

生

員韓士奇

生

員宋生桂 步月

勸捐

監

生宋洪道 重在

監

生邱集鳳 文峰

生

員薛龍章 羲文

監

生張偉 傑靈

廣靈縣志 目錄

卷首

序

圖

凡例

修誌姓名

卷一 方域

沿革

星野 災祥附

疆域

形勝

鄉里 寨洞塚舖舍古蹟墓附

市廛

卷二 營建

城池

公署

文廟

壇壝

祠廟

坊表  
養濟院等附

卷三  
山川

諸山

諸水

景物

橋梁

卷四  
風土

鄉俗

物產

卷五  
賦役

田賦  
起運留支附

稅務

倉儲

戶口

卷六  
政令



鄉約

卧碑

詳文

告示

條約

卷七 秩官

知縣

教諭

訓導

典史

武職 教場草場  
武備附

卷八 選舉

進士

舉人

貢生

例監

武舉

仕宦

榷吏

鄉飲

封贈

龔廩

農官

卷九 人物

忠烈

孝行

義舉

貞節

孝婦

後編

卷十 藝文

記

傳

贊

詩

卷末

舊誌序

乙丑修邑誌姓名

辨疑

雜錄

廣靈縣誌卷之一

方域誌

廣靈葺爾邊邑秦漢而上或列荒服或隸版籍不知  
幾經滄桑秦漢而後忽爲郡忽爲邑若建國若置軍  
不知幾經沿革自石敬瑭割幽薊十六州以賄契丹  
陷此土於徼外者幾五百年中間雖有一統之主倏  
取倏陷迄無寧宇至有明始收復版圖但兵燹洊更  
文殘獻闕履土而問往跡懵如無稽不亦宜乎至於  
畫界分疆犬牙相制按籍而一可考而知也爰分沿  
革星野疆域形勝鄉里市廛彙爲一冊而以方域統

之後之考廢興鏡得失者將於是賴焉誌方域

一沿革

廣靈禹貢冀州之域虞析冀爲幽并三州地屬并夏  
仍屬冀商封同姓爲代子屬冀周屬冀春秋屬晉後  
趙襄子滅代而有其國屬趙秦併天下置雲中郡代  
郡屬雲中漢高祖封愛子於代郡置延陵平舒二縣  
隸代郡東漢延陵廢魏晉皆沿平舒後趙縣廢後魏  
置懷荒禦爨府志作  
禦遠二鎮東魏置北靈邱郡後周爲  
蔚州地隋屬上谷唐元宗開元間置安邊縣肅宗至  
德二年改爲興唐縣屬興唐郡隸蔚州後五代唐莊

宗同光二年契丹蕭阿古只寇蔚州始於此置廣靈縣石晉割幽薊十六州賂契丹此地亦陷焉遼置忠順軍隸蔚州金仍舊元改廣陵縣尋復爲廣靈縣隸上都路宣德府明改隸大同府編戶九里

府志作編戶八里

國朝因之順治六年改陽和爲府未幾復大同府縣仍屬

蔚州雍正七年以蔚州改隸宣化府縣始屬大同府


一星野

災祥附此條多係貢生韓廷魁改訂

廣靈爲趙西陲天文昴畢分野按周禮職方并州以恒山爲巨鎮大同全郡正屬恒山恒山入昴五度則古宜昴又趙之大梁自胃七度至畢十一度大同其

北郡也則占宜畢昂畢皆趙之分野大同之占昂畢  
由來舊矣廣靈隸大同之東距恒山不遠則廣靈當  
占昂畢無疑

昴



隋丹元子步天歌曰昴七星一聚實不少阿西月東  
各一星阿下五黃天陰各陰下六烏芻藁營營南十  
六天苑形河中六星名卷舌舌中黑點天讒星礪石  
舌旁斜四丁

占驗


附

昴十一度下爲日月中道乃天之耳目又爲旄頭凡  
占驗大而全動若跳躍者主邊外兵起一星獨動主  
犯邊熒惑守其北主燕趙兵起太白守之主邊外兵  
動天阿一星在胃東月一星在昴東主女人災福天  
陰五星在畢柄西主從天子弋獵之臣天苑十六星




在昴畢南如環狀主天子苑囿養禽獸之所芻藁六  
星在苑西主供苑養卷舌六星在昴北河中主讒之  
外主口語以知讒佞天讒一星在卷舌中主醫巫礪  
石四星在卷舌東五車西主磨礪鋒刃

畢




天關

六諸星



天高




天街

白身



九州珠城



天園

隋丹元子步天歌曰畢恰似瓜叉八星出附耳一星  
畢股光天街兩星畢背旁天節耳下八烏幢畢下橫  
列六諸王王下四阜天高星節下團圓九州城畢口  
斜對五車口車下三柱任縱橫車中五個天潢名潢  
畔咸池三黑星天關一星車脚邊參旗九個參車間  
旗下直建九旂連旂下十三烏天園

占驗

附

畢十七度主邊兵弋獵其大星曰天節主邊外之尉  
凡占驗明大則遠方入貢失色則邊兵亂動搖則邊  
兵起木犯有軍功又曰畢爲天馬昴畢間二星曰天

街主國界街之南主中夏街之北主邊外金火守之  
主邊兵起附耳一星在畢下主聽得失若明盛則中  
國微有盜賊邊埃驚動移則讒佞行兵大起於邊尤  
甚天節八星在畢南主使臣之所持諸王六星在五  
車南天漢之中主宗藩天高四星在參旗西北近畢  
此臺榭之高主遠望氣象晦則主官失守五車五星  
三柱九星共十四星在畢東北五車主天子五兵天  
潢五星在五車中主河梁津渡咸池三星在天潢南  
魚圍也天關一星在五車南畢西北亦曰天門主邊  
塞事參旗九星在參西五車之間天旗也玉井西南

曰九旂天子之旗也主導軍進退天苑之南十三星曰天園植菓菜所也

災祥

明

嘉靖十五年七月飛蝗蔽天食稼殆盡 十六年六

月有黑靄如斗百日乃止 三十三年歲大饑 萬

曆五年白虹晝見百日乃止 九年四月地震有聲

如雷 十一年三月地震壺河竭自辰至未始流

十三年春夏不雨詔免夏稅十分之七 二十九年

春不雨夏隕霜詔免秋稅十分之六 三十七年夏

秋旱一三十八年大疫 四十六年九月地震官民  
庭舍多圯壞 四十七年二月大風晝晦 天啓二  
年十一月天鼓鳴星隕 六年六月地震有聲 崇  
禎元年夏旱秋霜 二年饑疫 十二年春大風晝  
晦四月大雪

國朝

順治元年七月疫 四年七月飛蝗 五年蝗子熾  
盛十一月姜瓖叛 六年土寇圍城蝗化蜻蜓太白  
晝見 十年六月大雨九月大雪十一月疫作 十  
四年九月地震 十五年四月隕霜 十六年春大

雪 康熙三年夏霜秋饑彗星見

詔發內帑賑濟全免地丁錢糧 十二年九月地震二次

有聲 十八年大旱七月始雨地震有聲 十九年

春夏大旱

詔免夏稅十分之三 十月留老疇牛產麒麟 十一月

彗星見 二十年大饑

詔賑二次仍全蠲屢年逋賦並本年地丁錢糧 二十二

年十月地震有聲 二十七年饑 四十四年飛蝗

四十七年六月雨雹 五十七年二月大風晝晦

五十九年六月地震 雍正十一年十月太白晝

見 十二年六月雨雹 乾隆六年雨雹傷稼 八

年九月彗星見西方壁宿度內至九年二月始沒

十年霜災 十一年六月雨雹二麥被災 十八年

杜鵑來螞蚱多

一疆域

廣靈縣境南北廣八十里東西袤八十五里 府志廣

里輪一  
百里

東至蔚州石橋溝界二十五里 至州城  
五十里

東南至蔚州北口七十里 至廣昌縣一  
百七十里

南至靈邱縣泥泉嶺界四十里 至縣城  
九十里



西南至靈邱縣漫山村七十里至平刑關一百五十里

西至渾源州分水嶺界六十里至州城一百二十里

西北至天鎮縣火燒嶺頂六十里至陽和一

北至大山夾石溝口界四十里至天鎮縣一百四十里

東北至樺澗嶺口四十里至直隸西

縣治西北至大同府二百四十里西南至太原府七

百二十里東南至京師五百三十里

一形勝

廣靈連上谷而接雲中萬山環拱北枕桑乾南控太

白西接亂嶺東距洪渡中帶壺流地居恒代之衝壤

連趙燕之界畿輔之肩背雲鎮之襟喉也舊志謂守  
望狐之要害而餉道無虞近蔚蘿之輔車而犄角可  
恃居然西北屏翰之奧區焉

一鄉里

古蹟塚墓  
寨洞墩附

四鄉舊共村庄八十有五編作九里

嘉順鄉

東台堡 蕙花村 八角遞 劉家新庄

東西河下 東西姚疇 東西加斗 羅家疇

東西石門 殷家庄 洗馬庄 焦山 係官堡

東焦山 西焦山 龍虎岩

安流鄉

榆林堡 翟家疃 直峪村 東西宜行 集興疃

許家庄 留老疃 滙里 聶家溝 塔兒村

愁崖窠 田家窰 坟台溝 麻地溝 馮家溝

平寧鄉

平水城 係官堡 作 疃 尚家疃 南百家疃

百家疃 係官堡 北百家疃 土 嶺 南村 係官堡

黃龍庄 梁家庄 馮家庄 臨 灌 海子

堰子 墨家溝 狼虎坪 望狐村 木廠

國家眷 喬頭村 邢家庄 車家堡 小關

劉之近 井窰村 惡峪村 劉家庄頭 白羊村

莎泉村 黑土窰

靜樂鄉

一斗泉 井子窰 曹家庄 榆林子 土巷口

裴家窰 王家窰 高水岩 巧八庄 暴峪村

鄭家窰 羊圈村 峯西村 大南溝 曹家川

瓦房村 高家窰 師家窰 馬家山 黃泉子

鹿骨村 古道渠 梁草澗 北道岩 苑家庄

新增庄村

南加斗 大西灣 小西灣 吳家講 大林岩

南斗  
小柳岩

大西灣  
柳溝寺

王家溝

香溝庄

小黑圪塔

大台庄

賀家溝

半落山

圈頭庄

杜家庄

黑峪洞

大山庄

板塔寺

橋兒澗

白塔村

南溝庄

邱家灘

賀家窰

張家窰

香爐臺

寬會庄

山神廟

上寺庄

庄子溝

天澗村

南汗水

念槽溝

卧羊廠

朝陽灣

北石塲

麻黃溝

庄窩村

栽子溝

周圖寺

榆溝村

鐵鑊崖

風吹嶺

神樹溝

石堂溝

白家坡

韓家庄

荆家窰

劉家澗

黃龍村

賀家堡

闖道坡

史家坪

曹家庄

水澗村

白家庄

桃子庄 紅花林 南會村 劉家小庄 邵家庄

中庄子 南堡子 西庄子 泥泉嶺 榆樹灣

道袍溝 魏石溝 張岔庄 張岔口 房家庄

西蒲庄 炭堡 南柯崖 劉家溝

以上新增村庄七十四處並附入九里新舊共一百

五十九處

九里

隆復里 留老里 百家里 梁家里 壺川里

加斗里 平政里 石門里 蒿家里

寨洞墩舖

鎮寇寨

在縣北一斗泉

古岔寨

在縣西馮家庄

鐵裹腰封寨

在加斗山峭岩壁立狀若鐵裹中有懸橋遇驚登寨橋旋撒入如腰封然故名

勤漢寨

在臨灌山常修避兵故名

蓮花寨

在縣南十五里八峯環峙苑如蓮花故名觀

音寨

在白羊山上音寺有觀音寺

惡峪寨

上巖壁立下跨深澗巖畔突出一峯居民懸橋渡之

避

任家洞

在干福山後

周家洞

在縣西北三十里

以上諸寨洞居民預設水器柴薪遇驚各攜老幼裹

糧登避

馬家山墩

去城二十五里接平原塢

平原塢墩

去城四十里接火燒嶺

以上東北路

火燒嶺墩

去城六十里接台子梁

台子梁墩

去城五十里接臨灌口

以上西北路

臨灌口墩

去城四十里 接唐山口

唐山口墩

去城二十五里 接直峪口 直峪

西墩

去城十五里 接紅沙坡

紅沙坡墩

去城十五里 接石門峪

以上西南路

石門峪

在蔚州界去縣二十五里

以上東南路

鋪舍

清溝鋪

在縣東十里

洗馬厰鋪

在縣東十二里

以上東達蔚州

翟家疇鋪

在縣南五里

塔兒村鋪

在縣南二十五里



以上南達靈邱

城西嶺舖

在縣西五里

邱家灘舖

在縣西十八里

南村舖

在縣西三十里

趙家坪舖

在縣西四十五里

望狐村舖

在縣西六十里

以上西達渾源州

在城總舖三

古蹟

長城在直峪山漢武帝元光五年所築遺趾見存

平舒城在縣西十里平水村南卽漢置平舒縣遺趾

見存

寡婦城在縣東七里相傳夫斃鋒鏑妻築城以居遺趾見存

古城在縣南三里遺趾太狹恐非邑故墟相傳秦皇所築未有所考

塚墓

遼尚書高起墓在縣西二十里南百家疇村前

金諸王陵在縣東五里俗呼亂塚相傳金諸王葬於此今丘壠殊高不類民塚

信武將軍康筠墓在縣西三十里北土嶺村西里許

元侍郎龐清墓在縣東二十里洗馬庄石獸翁仲俱存

元帥張守中墓在縣西二里有翁仲俱存

同知齊震墓 在縣西三里  
壺河南濱

知州聶諒墓 在縣東十五里  
加斗村有碑

明侍郎齊韶墓 在縣西北十里井子窰村  
南有大松樹數株有碑

忠義寺丞李景墓 在邑厲壇南有碑  
邑令郭公重修

義士仝觀吉墓 在城南里  
許有碑

通判白塗墓 在縣東北  
五里有碑

蔚州總兵馬芳墓 在縣北  
十五里

同知金居義墓 在縣東北  
五里有碑

儀賓溫墓 在城東三十  
里羅家疇北

儀賓武進儒墓 在城西三十里  
南村東里許

孝子韓一

蘇歐墓

在城西三十里南村北里許

義士周子

德墓

在城北二十里一斗泉

義士李

墓

在城

一市廛

在南關一處

三六九日集

廣靈縣誌卷之二

營建誌

一邑之建設一方之保障憑焉春秋用民之力雖時亦書誠重之也廣靈邊鎮要土昔日用武之區明季甃石砌磚增修不一今城郭完固溝池浚深屹然一金湯也至於發號施令以出治則有公署釋奠明倫以敷教則有學宮而書院者人材之淵藪也壇壝祠廟者祀典之攸關也紺宮碧宇樹表立坊萬民之觀瞻係焉是皆不可畧者誌營建

一城池

廣靈城舊爲土築肇於唐莊宗同光二年中間紀載  
缺如莫得其本末明洪武十六年知縣葉公時茂重  
修天順間御史馬公以廣邑城卑薄奏請增修報可  
命蔚州知州史公魁增築後知縣程公觀孟公繼先  
孫公武臣馬公應明馬公志誠相繼增修萬歷二年  
兵部侍郎吳公兌奏請發內帑命知縣喬公密改建  
甃以磚石周圍三里一百八十步高三丈六尺堞六  
尺脚濶三丈頂濶一丈五尺堞口四百七個城有二

門南曰景陽北曰永安門上建樓二座各三間二層

四隅建角樓四座

今廢止存東南隅一座名魁星閣

舖樓八座

今廢

深三丈廣如之崇禎十三年戴公君恩於兩門外各築護門磚臺二座

一公署

縣署在城東街洪武七年縣丞高輝建正統成化間知縣劉銓王用相繼增修康熙年間邑令李公煥斗重修外爲照壁大門三間儀門三間東西二角門戒石坊一座大堂五間儀門內東西六房吏舍各五間大堂後思補堂三間宅門三間三堂三間三堂東書室三間次北住宅三間後爲庖廡之所

禁獄在大門內西南有獄神祠

典史宅在縣治右

學署在文廟左大門三間二門一間東時習齋西日

新齋明倫堂五間堂後住宅三間

察院

在縣治南今廢改書院

陰陽學

缺

醫學

缺

僧會司

在聖壽寺

布

政分司

久廢

府館

久廢

### 文廟

文廟在縣城西北隅洪武初縣丞趙自立創建宏治

乙卯邑令陳公觀重修嘉靖萬歷中屢加增葺康熙

五年焦公恒馨重修前為櫺星門左德配天地坊右

道冠古今坊門內泮池上跨磚橋

池中李杏樹各一株

橋北為



戟門三間中爲大成殿五間大松東西兩廡各五間

殿後崇聖祠三間大松戟門左右名宦鄉賢忠義祠

各三間

祭器

鼎 爐 燭臺 祝板 爵 登 鉶 簠 簋

籩 豆 俎 毛皿盤 酒罇 帛櫃 鼓 樂器

缺庭燎 齋戒牌 滌牲桶

書籍

上諭四本 五經大全 性理大全 性理精義

書經傳說 詩經傳說 春秋傳說 二十一史

十三經 明史 周易折中 四書解義 康熙字

典

欽定四書文 名教罪人詩 駁呂留良講義

學田

明各上司共置地二頃六十畝除開荒外實在熟地  
一項九十八畝每歲該租穀市斗二十九石八斗分  
賑貧生

忠義祠在戟門外右祀

明聶友良

王尚文

楊汝澄

袁表

董莒

趙昌齡

蘭朝海

李景

國朝 韓一蘇

韓一歐

周于道

周于德

李冀

名宦祠在戟門外左祀

明邑令葉時茂

孟繼先

喬密

韓希寵

國朝邑令杜汝浮

范發愚

焦恒馨

朱葵

李煥斗

鄉賢祠在戟門外右祀

後魏古弼

伊馥

庾葉

元 聶 諒

張 守 中

李 景

王 尚 文

書院邑令杜公坦修在南門內路東南向右鄰貞節祠

一 壇 壝

先 農 壇

在城東北里許每年祭品銀叁兩伍分廟前藉田地四畝九分歷年按照秋收分數輪租

積貯五年糶售以作祭品之用不敷赴司請領

社 稷 壇

在城北里許春秋致祭豕二羊二鳥帛二組豆各九

風 雲 雷 雨 壇

在城南里許春秋致祭豕三羊三帛七組豆各七

邑 厲 壇

在城東里許清明日七月十五日十月初一日遵照禮部劄付祭闔縣無祀孤魂

雩祭壇

在壺山上是日置水器柳枝用優歌

春場

在先農壇至日設春筵用優歌

一 祠廟

城隍廟在城西街正統九年知縣孫公敬重建

玉皇廟在北關

關帝三代祠在南門外

關帝廟三一在南門外一在東臺村外今廢一在東臺

村東門外

文昌宮在學宮右偏雍正四年教諭葉公澄首倡捐

俸創建正殿三間東西官亭二間戲樓三間庖廡三

間

文昌閣三一在南城門樓一在南門外東關門上

奎星閣二一在城東角樓一在學宮前雍正四年教

諭葉澄倡建

龍神廟四一在社臺山一在北關東門外一在壺山

一在城隍廟左側

瘟神廟在城隍廟內

元帝廟二一在南關水巷門內一在北甕城

北嶽廟在干福山

豐水神祠在壺山頂

東嶽行宮在蕙花村

財神廟二一在城隍廟右側一在東關門上

禹王廟在縣治前

馬神廟土地祠在縣治大門左

三官廟二一在東臺東門外東北一在西關門上

岳忠武廟在西關門上

八蜡祠在城西數十武

春秋致祭豕一  
羊一俎豆各五

聖壽寺在城北街西

大士庵在南關

興勝寺在龍虎岩

白羊寺在白羊村

周圖寺在唐山巔

石佛寺在唐山峪

天井寺在周圖寺東

聖佛林在直峪南山

石湖寺在留老山

三教寺在翟家疇西

西照寺在迴嶺北

崇善寺在一斗泉南

安堅寺在留老疇村



聖泉寺在宜興南山

老君堂在鄭家窰

觀音寺在峯西村

柳溝寺在柳溝庄

保真觀在縣西二十里

今廢

集仙觀在縣西三十里

今廢

凌霄觀在縣東南翠虛臺

八角寺在八角遞村外

板塔寺在大山頂

貞節祠在城門內路東祀

明朝

劉梁氏

劉大海妻

譚趙氏

譚龍妻

董王氏

董繼妻

任韓氏

任朝陽妻  
舊韓郭氏

國朝

任譚氏

任斐小妻

王李氏

王前陳妻

梁周氏

梁士彥妻

梁宋氏

梁士達妻

梁宋氏

梁六德妻

梁曹氏

梁遇春妻

曹王氏

曹維均妻

坊表

御史坊

在北街御史齋  
韶立今廢

畫錦坊

在北街舉人墨芸立今廢

勅贈忠義

坊在北街爲寺 貞節坊在南街梁氏立 雲路指南坊在南

關東街舉人 進士坊在南關東街進 肅儀坊在南關

劉瑩建今廢 班趙智 儒林坊在儒 旬宣坊在布政分 承流坊在十

南 宣化坊在十字 牧愛坊在十字 教化坊在十字 平

政坊在北街 澄清坊在察院 陰庇一方坊在城隍 威

震華夏坊在城門前 貞節坊在龍虎岩曹維 百歲老

人坊在八角遷爲

雍正三年欽奉

上諭勸募好善之人於通衢大邑人烟稠集之處照京師

例建設普濟堂育嬰堂使老疾得依倚幼穉不至失

所

養濟院

在北城內路東

育嬰堂

在南關

留養局

在城隍廟隔壁

廣靈縣誌卷之三

山川誌

宋夾漈鄭氏曰州縣之設有時而更山川之形千古不易故禹貢分州必以山川定疆界廣靈四面皆山自太行發脉由鴈門入應州至渾源之亂嶺關右旋由白羊南山趨蔚州左折由大山抵宣府界水則發源莎泉合壺山神泉南繞縣城東經蔚州北注襄山東麓至宣府順聖東城合于桑乾此山川之大畧也爰誌山川而以景物橋樑附焉

一 諸山

飛鳳山在縣東二十里府志作縣東北二十五里一岡突兀軒然

翔起下有洗馬庄卽元侍郎龐清故里清曾為洗馬故名今訛洗為西

瓦房山在縣東北四十里形如瓦房故名

老山在縣東北三里其山皆石見府志

華山在縣東北四十里其山產樺上有三分岩見府志

巧八山在縣北二十里府志作三十里其山居中四圍七山

相向東南十里有滴水崖泉脉自穴中出滴水成池

大山在縣北三十里礪道直躋峻而不險至嶺巔頗

廣漫復聳一山名平原塙高插雲表北瞰陽和塞南

望太白峯宛在指顧間道通天鎮陽和折西夾石溝

爲縣北界從此趨下磴道盤旋馬不並馳設伏以守  
寇不能度亦縣北屏障也臥龍岡在縣北八里山脈  
蜿蜒自西而來凝結東向與龍伏岩對峙左右宛然  
二龍蟠戲

平頂山在縣北三十里

見府志

牛欄塢山在縣北三十里其山週圍有石欄

見府志

千夫山一名千福山在縣西北五里相傳前代遣千  
人取花斑石于此上有北嶽行宮每年三月十七日  
縣民祈福于此故又名千福山

九層山在縣西北二十五里上有九層崖

見府志

六稜山在縣西北七十里其山前後各垂三稜

火燒嶺在縣西北六十里

府志作五十里

石梯嶺在縣西二十里渾源要路自麓至嶺石磴陡絕似梯明道人高仲寶損高增卑遂爲周道無復登梯之難

白羊山在縣西五十里昔有人見白羊往來山上故名上有白羊寺遺址

望狐山在縣西六十里

府志作五十里

世傳有神人引狐入

山故名

鞍子山在縣西三里二阜相連宛若鞍形

見府志



黃龍山在縣西三十里昔有黃龍見故名上有黃龍  
神祠

馬蹄嶺在縣西五十里石上有馬蹄跡

廻嶺山在縣西五十里渾源孔道

社臺山在縣西關內石岡如臺上有龍母神祠土人  
六月饗賽于此

斷駕嶺在縣西四十里

天井山在縣西南二十里上有天井寺故址寺有井  
深五六尺雖旱不竭

臨灌山在縣西南四十里上有石夾流泉以資數里

灌溉見府志

遇逢山府志作玉峯山在縣南一里相傳有神仙採藥於此

人遇之忽不見今石上有足跡存焉

直峪山在縣南十五里卽直峪口靈邱要路下有河

注壺流

留老山在城南十五里府志作二十里昔袁吉棄父於此其

子袁表諫而載歸下卽袁表故里

加斗山又名神峰山在縣東南二十里有圮城形蹟

猶存峯巒峭立迥出雲霄有如斗星布列內有石孔

似門孤峯挺立其秀麗之狀非他比也下有加斗村

卽元總管聶諒故里

壺山在縣東南里許平地一山兀峙上有大士菴內  
有石井其水從座下獅口內溢以菓物投之卽由山  
脚流出環山皆泉如萬斛珠璣隨地而湧滙爲一池  
週廣數畝與壺河水合夏秋碧光灑漱春冬霧氣空  
濛遊人登眺頗裕奇觀舊有豐水神祠飛碓懸樓水  
渠稻壟今俱廢

一 諸水

壺流河古名滋水源出縣西三十里莎泉東注壺山  
下神泉二水合流上狹下闊  
形如壺故名經蔚州

至順聖川入桑乾

莎泉在縣西三十里泉出石罅許沸騰汹涌淙淙有聲  
卽壺河發源

一斗泉在縣西北二十里昔鄉人掘井三十餘丈竟  
不及泉忽水自西山崖畔突出池僅斗許足供百家  
故名

滴水崖泉在縣北十五里山腰懸崖數丈可容千人  
水自石隙中流注於潭潭週圍丈餘深僅尺許味殊  
甘美大旱不竭淋雨不溢遇旱禱雨輒應

作曠海波池在縣西十里西山麓有泉數泓匯爲一

池僅二畝汪洋數里每逢雷雨則水湧漲東流入壺

河

灑雨泉在縣南十五里直峪口內源自沙隙突出遇旱使數婦人灑之卽雨北入壺河

鴉兒滙在縣西南四里鴉多飲啄於此暑月有冰人感寒疾取而飲之汗出卽愈諺云壽民丹水

集興瞳水在縣南五里

府志作十里

其水清湛冬夏不竭

注壺河

枕頭河在縣南三里源出翟家瞳形類角枕故名東

注壺河

石井

詳見壺山


神泉

詳見壺山  
卽豐水

常江峪水源出南汗至常江從崖而下入潭萬丈深  
不可尋底大雨始入壺河

一景物

豐水夜月




廩生韓士奇寫


縣治南數拾武有壺流河一名豐水灘高水白石靜  
沙明兩岸滌澗一望無際若月夕臨之水天一色月  
流波底寒映碧空碎影玲瓏清光蕩漾宛若雪夜入  
山陰道中令人依依不忍去也



社臺朝雨



廩生韓士奇寫



城西關有社臺山臺高敞可遠眺時見山色空濛川  
光瀲灩上有龍母祠邑人禱雨於此邑侯李公遂  
命重修之頗亦輝煌若清晨雨景登臺望之致足怡  
情焉

千福曉鐘



廩生韓士奇寫

千福山距城北五里許頂建北嶽神祠流丹滌翠

徑曲花幽舍宇出重霄間左右諸峯羅列環繞縣城

每清晨經課不絕梵貝依稀居民聞鐘聲自白雲來

廬舍開曉爨烟相望亦多佳致也

斗山積雪

廩生韓士奇寫



斗山當邑中戶牖城裡外皆共見焉山頂多積雪不  
獨冬春爲然也夏亦間有晴天曉望但見積素凝花  
霏霏微微嶙嶙峋峋若斷若連若遠若近若玉龍蟠  
澗若銀河墜影若白鴉之棲遠樹若瓊臺之現碧空  
儀形因之一靜心胸爲之一快也

壺泉春柳



廩生韓士奇寫

城東最近平原曠衍突出一峯峯頂有九江聖母祠  
祠後 大士閣下獅子口噴泉一泓味甚甘美東遊  
爲小池若半規新月池側舊築精舍環以林木爲居  
人登眺遊息之所後廢邑侯李公以是地爲縣治水  
口去路宜聳不宜陷購植柳樹百株疎密交加周圍  
掩映當春夏間淡黃拂水嫩綠含烟悠然自遠



飛鳳晴嵐



廩生韓士奇寫

飛鳳山爲邑東北屏障一峯逶迤向南側出紆折二  
十餘里回環側抱遠衛縣城望之如鳳翹然忽青忽  
靄忽丹忽赤冬夏各殊朝夕互異若雨後初晴蒼烟  
迷樹雲氣摩空亦異觀哉

聖泉松風



廩生韓士奇寫

聖泉寺在南山之西有石泉焉寒流當澗飛瀑懸崖  
厥寺最古兩崖蒼松屈曲交加盤盤菌菌陰翳蔽天  
風濤號谷坐其下者每疑有寶花墜空笙簧隔水也

白羊暮靄

廩生韓士奇寫



縣西四十里層巒而高聳者爲白羊山亭雲閣霧窈  
誕離奇四時變態不一最可愛者夕陽在山朱霞映  
日炯炯煌煌光怪怪無所不有遠山觀之猶爲奇  
絕

一橋梁

平水橋在城西七里下跨一澗遇大雨其水輒平行  
人病之邑民建砌石橋

八家橋在縣東十里相傳八家環居共建後人誤呼  
爲八角橋